



SLUŽBENE NOVINE

OPĆINE MAGLAJ

**BROJ
10/21**

Maglaj, 17.11.2021.

„Službene novine Općine Maglaj“
Izdaje: Služba Općinskog načelnika i Općinskog vijeća
Općina Maglaj, Viteška bb, Maglaj
Za izdavača: Mirsad Mahmutagić – Načelnik općine
Tel.: 032/465-810; Fax: 032/465-817; E-mail: vijece@maglaj.ba

AKTI NAČELNIKA OPĆINE**182.**

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 9/15, 102/15, 104/16, 5/18 i 11/19), člana 42. Statuta Općine Maglaj („Službene novine Općine Maglaj“, broj: 8/07, 3/08 i 6/08), člana 21. Odluke o izvršavanju Budžeta Općine Maglaj za 2021. godinu („Službene novine Općine Maglaj“, broj: 03/21), Načelnik općine donosi

ODLUKU**o odobravanju izdvajanja sredstava iz tekuće budžetske rezerve Budžeta Općine Maglaj za 2021. godinu****Član 1.**

ODOBRAVA SE izdvajanje novčanih sredstava u iznosu od 933,64 KM (slovima:devetstotinatridesettri64/100 KM), iz tekuće budžetske rezerve Budžeta Općine Maglaj za 2021. godinu za finansiranje plaćanja troškova javne rasvjete u Mjesnoj zajednici Bradići, na Razdjelu 11, Organizacioni kod 111-Jedinstveni organ uprave-Načelnik općine i to na ekonomski kod:

- 613216 - Izdaci za struju ulične rasvjete= 933,64 KM.

Član 2.

Novčana sredstva iz člana 1. ove Odluke izdvajaju se iz Budžeta Općine Maglaj za fiskalnu 2021. godinu sa Razdjela 11, Organizacioni kod 111, Ekonomski kod 999991/6 Tekuća budžetska rezerva.

Član 3.

Za realizaciju ove Odluke zadužuje se Služba za privredu, finansije i razvoj poduzetništva.

Član 4.

Ova odluka stupa na snagu danom donošenja i ima se objaviti u „Službenim novinama Općine Maglaj“.

Broj: 04-11-3-5028/21
Maglaj, 08.11.2021. godine

NAČELNIK OPĆINE
Mirsad Mahmutagić s.r.

183.

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14, 13/14, 8/15, 9/15, 102/15, 104/16, 5/18 i 11/19), člana 42. Statuta Općine Maglaj („Službene novine Općine Maglaj“, broj: 8/07, 3/08 i 6/08), člana 21. Odluke o izvršavanju Budžeta Općine Maglaj za 2021. godinu („Službene novine Općine Maglaj“, broj: 03/21), Načelnik općine donosi

ODLUKU**o odobravanju izdvajanja sredstava iz tekuće budžetske rezerve Budžeta Općine Maglaj za 2021. godinu****Član 1.**

ODOBRAVA SE izdvajanje novčanih sredstava u iznosu od 9.000,00 KM (slovima:devet hiljada i 00/100 KM), iz tekuće budžetske rezerve Budžeta Općine Maglaj za 2021. godinu za sufinansiranje zapošljavanja mladih poduzetnika za 2021. godinu na području općine Maglaj, na Razdjelu 11, Organizacioni kod 111-Jedinstveni organ uprave-Načelnik općine i to na ekonomski kod:

- 615211- Poticaji u zapošljavanju mladih poduzetnika= 9.000,00KM.

Član 2.

Novčana sredstva iz člana 1. ove Odluke izdvajaju se iz Budžeta Općine Maglaj za fiskalnu 2021. godinu sa Razdjela 11, Organizacioni kod 111, Ekonomski kod 999991/6 Tekuća budžetska rezerva.

Član 3.

Za realizaciju ove Odluke zadužuje se Služba za privredu, finansije i razvoj poduzetništva.

Član 4.

Ova odluka stupa na snagu danom donošenja i ima se objaviti u „Službenim novinama Općine Maglaj“.

Broj: 04-11-3-5077/21
Maglaj, 10.11.2021. godine

NAČELNIK OPĆINE
Mirsad Mahmutagić s.r.

184.

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ br. 49/06 i 51/09), člana 42. Statuta Općine Maglaj („Službene novine Općine Maglaj“ br. 3/08 i 6/08), člana 62 . stav 1. Zakona o organizaciji organa uprave u Federaciji BiH (“Službene novine Federacije BiH”, broj: 35/05), Načelnik općine donosi:

**PRAVILNIK
O RASPODJELI NOVČANIH SREDSTAVA ZA
SUFINANSIRANJE TROŠKOVA
VANTJELESNE OPLODNJE
IZ BUDŽETA OPĆINE MAGLAJ**

Član 1.

(Predmet Pravilnika)

Pravilnikom o raspodjeli novčanih sredstava za sufinansiranje troškova vantjelesne oplodnje (u daljem tekstu: Pravilnik), utvrđuju se uslovi, visina pomoći i način ostvarivanja prava na dodjelu jednokratne novčane pomoći za sufinansiranje troškova pružanja medicinskih usluga vantjelesne oplodnje (u daljem tekstu: jednokratna pomoć), ženama koje su u bračnoj zajednici sa područja općine Maglaj.

Član 2.

(Cilj Pravilnika)

Uvažavajući činjenično ekonomsko stanje i pad nataliteta posljednjih godina u Bosni i Hercegovini, kao i problem bračnih partnera sa začecćem, donosi se ovaj Pravilnik koji ima za cilj podstaknuti i stimulisati žene na rađanje, što u konačnici rezultirati rastom nataliteta.

Član 3.

(Obezbjeđenje sredstava)

Sredstva utvrđena na ekonomskom kodu 614239 - 55 Poticaj demografskom razvoju (poticaj natalitetu i potpomaganje vantjelesne oplodnje), raspoređuje Načelnik općine u skladu sa utvrđenim kriterijim u ovom Pravilniku, a na osnovu podnesenih zahtjeva na protokol Općine Maglaj, i to sve po raspisanom Javnom pozivu.

Član 4.

(Kriterij za ostvarivanje prava)

Kriteriji za ostvarivanje prava na jednokratnu pomoć iz člana 1. ovog Pravilnika su:

1. Da je žena koja podnosi zahtjev u toku kalendarske godine okončala postupak vantjelesne oplodnje ili je tokom kalendarske godine bila u postupku za obavljanje vantjelesne oplodnje.

2. Da žena koja podnosi zahtjev se nalazi u bračnoj zajednici i da je brak postojao najmanje tri godine prije podnošenja zahtjeva za ostvarivanje prava;
3. Da oba bračna partnera u bračnoj zajednici ima najmanje 2 (dvije) godine prebivališta na području općine Maglaj prije podnošenje zahtjeva za ostvarivanje prava;
4. Da žena nastoji roditi dijete isključivo u postupku vantjelesne oplodnje, za šta posjeduje odgovarajuću medicinsku dokumentaciju.

Član 5.

(Ostvarivanje prava)

- (1) Pravo na jednokratnu novčanu pomoć može ostvariti žena koja ispunjava kriterije iz člana 4. ovog Pravilnika, na način da će Općina Maglaj sufinansirati troškove vantjelesne oplodnje za:
 - prvi pokušaj u maksimalnom iznosu do 1.000,00 KM
 - drugi pokušaj u maksimalnom iznosu od 1.500,00 KM
 - treći i više pokušaja u maksimalnom iznosu 2.000,00 KM
- (2) Ukoliko bude broj aplikantata veći u odnosu na visinu predviđenih sredstava u Budžetu Općine Maglaj za tekuću budžetsku godinu, sredstva će se dodjeliti na način da iznos sredstava iz člana 5. ovog Pravilnika će se ravnomijerno rasporediti s ciljem dodjele novčanih sredstava svim aplikantima koji budu ispujavali uslove ovog Pravilnika.

Član 6.

(Način vršenja uplate sredstava)

Ženama koje ostvare pravo na jednokratnu pomoć uplata sredstava će se vršiti putem nadležne Službe, a na osnovu predračuna ili računa troškova postupka vantjelesne oplodnje na račun korisnika jednokratne pomoći.

Član 7.

(Dostavljanje dokumentacije)

Žene koje ispunjavaju kriterije za ostvarivanje prava iz ovog Pravilnika prilikom podnošenja zahtjeva na propisanom obrascu dužne su dostaviti i sljedeću dokumentaciju:

- Izvod iz matične knjige rođenih za oba bračna partnera;
- Uvjerenje o kretanju (obrazac PBA-4 original ili ovjerena fotokopija ne starija od 6 mjeseci), kao dokaz o prebivalište na području općine Maglaj najmanje 2 (dvije) godine, prije podnošenja zahtjeva za ostvarivanje prava , za oba bračna partnera ;

- Izvod iz matične knjige vjenčanih (original ili ovjerena fotokopija);
- Nalaz i dokaz za liječenje neplodnosti metodama vantjelesne oplodnje izdat od nadležne ginekološko - akušerske klinike ili specijaliste ginekologije koji se bave humanom reprodukcijom u javnoj ili privatnoj zdravstvenoj zaštiti žene na teritoriji Federacije BiH;
- Predračun ili račun troškova postupka vantjelesne oplodnje izdat od strane zdravstvene ustanove koja provodi usluge vantjelesne oplodnje;
- Fotokopija tekućeg računa aplikanta

Član 8.

(Dodjela sredstava)

Novčana sredstva će se dodjeljivati na osnovu Javnog poziva koji će raspisati Općina Maglaj prema kriterijima koji su definisani ovim Pravilnikom, u skladu sa podnesenim zahtjevima i redoslijedom pristiglih prijava na protokol Općine Maglaj.

Član 9.

(Zaštita privatnosti)

- (1) U postupku realizacije ovog Pravilnika štitiće se privatnost i dostojanstvo aplikanta koji se od neplodnosti liječe vantjelesnom oplodnjom, te se neće javno objavljivati imena i drugi lični podaci.
- (2) Aplikanti mogu izvršiti uvid u Rang listu korisnika odobrenih sredstava, lično, u nadležnoj općinskoj Službi.

Član 10.

(Stupanje na snagu)

- (1) Ovaj Pravilnik stupa na snagu danom donošenja i ima se objaviti u Službenim novinama Općine Maglaj.
- (2) Stupanjem na snagu ovog Pravilnika prestaje da važi ranije doneseni Pravilnik o raspodjeli novčanih sredstava za sufinansiranje troškova vantjelesne oplodnje broj:01-45-1-287/20 od 22.10.2020. godine, objavljen u Službenim novinama Općine Maglaj, broj 8/20.

Broj: 03-45-1-5124/21

Datum: 11.11.2021. godine

NAČELNIK OPĆINE
Mirsad Mahmutagić s.r.

185.

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09) i člana 42. Statuta Općine Maglaj („Službene novine Općine Maglaj“, broj: 8/07, 3/08 i 6/08), načelnik Općine Maglaj, po ukazanoj potrebi, donosi

RJEŠENJE

o imenovanju Komisije za popis stalnih sredstava Općine Maglaj – nekretnine u vlasništvu Općine Maglaj

I

Imenuje se Komisije za popis stalnih sredstava Općine Maglaj – nekretnine u vlasništvu Općine Maglaj, u sastavu:

1. Faris Habibović - predsjednik Komisije
2. Edin Sijahović - član Komisije
3. Nermin Bešlagić - član Komisije

II

Zadatak Komisije iz tačke I ovog rješenja je da izvrši popis stalnih sredstava Općine Maglaj – nekretnine u vlasništvu Općine Maglaj.

Nakon popisa Komisija je obavezna sastaviti izvještaj o obavljenom popisu u formi excel tabela, te isti dostaviti načelniku Općine.

III

Komisija je dužna odmah početi sa radom a rad završiti u roku od 60 (šezdeset) dana od dana prijema ovog rješenja.

IV

Ovo rješenje stupa na snagu danom donošenja i objavit će se u "Službenim novinama Općine Maglaj".

Broj: 01-45-1-5209/21

Maglaj, 17.11.2021. godine

NAČELNIK OPĆINE
Mirsad Mahmutagić s.r.

186.

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09) i člana 42. Statuta Općine Maglaj („Službene novine Općine Maglaj“, broj: 8/07, 3/08 i 6/08), načelnik Općine Maglaj, po ukazanoj potrebi, donosi

RJEŠENJE**o imenovanju Komisije za popis stalnih sredstava Općine Maglaj – infrastrukturni objekti****I**

Imenuje se Komisije za popis stalnih sredstava Općine Maglaj – infrastrukturni objekti (ceste, vodovod, kanalizacija, rasvjeta i dr.), u sastavu:

1. Enisa Hatičić - predsjednik Komisije
2. Jasmina Alić - član Komisije
3. Meliha Šahbaz - član Komisije
4. Ferhat Bradarić - član Komisije

II

Zadatak Komisije iz tačke I ovog rješenja je da izvrši popis stalnih sredstava Općine Maglaj – infrastrukturni objekti (ceste, vodovod, kanalizacija, rasvjeta i dr.).

Nakon popisa Komisija je obavezna sastaviti izvještaj o obavljenom popisu u formi excel tabela, te isti dostaviti načelniku Općine.

III

Komisija je dužna odmah početi sa radom a rad završiti u roku od 60 (šezdeset) dana od dana prijema ovog rješenja.

IV

Ovo rješenje stupa na snagu danom donošenja i objavit će se u "Službenim novinama Općine Maglaj".

Broj: 01-45-1-5208/21
Maglaj, 17.11.2021. godine

NAČELNIK OPĆINE
Mirsad Mahmutagić s.r.

SADRŽAJ**AKTI NAČELNIKA OPĆINE**

182.	ODLUKA o odobravanju izdvajanja sredstava iz tekuće budžetske rezerve Budžeta Općine Maglaj za 2021. godinu	452
183.	ODLUKA o odobravanju izdvajanja sredstava iz tekuće budžetske rezerve Budžeta Općine Maglaj za 2021. godinu	452
184.	PRAVILNIK O RASPODJELI NOVČANIH SREDSTAVA ZA SUFINANSIRANJE TROŠKOVA VANTJELESNE OPLODNJE IZ BUDŽETA OPĆINE MAGLAJ	453
185.	RJEŠENJE o imenovanju Komisije za popis stalnih sredstava Općine Maglaj – nekretnine u vlasništvu Općine Maglaj	454
186.	RJEŠENJE o imenovanju Komisije za popis stalnih sredstava Općine Maglaj – infrastrukturni objekti	455